



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

Pars II. Ecclesiomachia Lvthero-Calvinismi Ecclesiam Militantem  
impugnantis.

**urn:nbn:de:hbz:466:1-35233**



COPPENSTEINI

# ANTICHRISTVS

## ECCLESIOMACHIAE LV- THERO-CALVINI- STICÆ.

PARS SECUNDA

De Ecclesia Militante.

### I. DE PRIMATV PETRI.

#### QVÆSTIO I.

*Monarchicum regimen an sit optimum; ef-  
seque debeat Ecclesia-  
sticum?*



ANTICHRISTIANISMVS.

Caluin. Monarchia, tres  
inter simplices formas regen-  
di, non est optima. Vide Lu-  
thero-calui. p. 2. q. 2.

CHRISTVS. 1. *Deus*, Act. 17. *ex v-  
no fecit omne genus humanum*: Chry. hom.  
34. in 1. Cor. 13. Virum ex humo, fami-

nam ex viro; vt esset inter homines Re-  
gnum, non Democratia. Nam si plu-  
res ex humo produxisset, singuli suæ  
posteritatis Principes esse debuissent.

2. Deus omnibus creatis naturalem  
inseuit propensionem ad monarchi-  
cum regimen. Hinc in omni domo Pa-  
terfamilias regit; Reges in regnis, &c.

3. Hebræorum regimen semper mo-  
narchicum esse voluit Deus: ac primò  
dedit Patriarchas, tum Duces, dein Re-  
gessiterumq; Duces: Et singulis ijs po-  
testas erat regia, id est, Monarchica.  
Mixtum tamen regimen è tribus sim-  
plicibus, prædominante Monarchia,  
optimum est. Nam Monarchia He-  
bræorum continebat & Aristocratiam,  
eligens minores principes, *Exo. 18.* ex  
quaque tribu: Rursumque his infetio-

E 2 res

res è plebe lectos; quæ est Democratia. Sic & Ego Christus Monarcha elegi Apostolos; & vocavi LXXII. Discipulos. Sic rectè & meus in terris Vicarius habet Episcopos, & Parochos.

## II. ANTICHRISTIANISMVS.

LUTHERANI hi esse volunt regimen Ecclesiæ Democraticum; Illi Aristocraticum:

CALVINISTÆ Mixtum. Vide *Luthero-calv. p. 2. q. 3.*

CHRISTVS. I. Democratiam Autor Ecclesiæ nouæ respui. Nam, Ioan. 15. *Ego, vt Monarcha, elegi vos, & posui. &c. Et vos similiter agetis.* Ideo Paulus *Act. 15. transiens Syriam & Ciliciam, precipiebat populis, vt custodirent precepta Apostolorum & Seniorum, id est, Ecclesiæ, quæ in his consistit vno sub Capite.* Hinc iustifici *Mat. 18. Dic Ecclesiæ.*

II. Nec solum in Ecclesia Aristocratiam volui. Ideo, *I. Cor. 12. Eph. 4. Deus in Ecclesia posuit primum Apostolos, deinde Prophetas, tum Pastores. &c.* Vnde *Pl. 44. Pro Patribus tuis, Apostolis, nati sunt tibi Fily, Episcopi: Constitues eos Principes. &c.* Et Ego dixi, *Ioan. 21. Pasce oves meas, regimine vt pote sacro & supernaturali.*

III. Monarchiam istis permistam e. legi, qua mea regatur Ecclesia.

1. Quia qualis est Cœlestis hierarchia Angelorum; talis & terrestris fit fidelium; at in illa fuit monarcha Lucifer post Deum; nuncque est Michael: Vnde *Apoc. 21. Vidi Ierusalem nonam descendentem de celo. &c.*

2. Quia Ecclesia mea est *Cant. 6. Acies ordinata: cui Dux vnus: Est, Cant. 7. Mulier speciosa, cui caput vnum vir: Est, Dan. 2. Regnum; cui Rex vnus: Est*

*Ouile, Ioan. 10. At fiet Ouile vnum & vnus Pastor. Est I. Tim. 3. Domus & vna Nauis; quibus vnus est Gubernator. Vnde dixi, Luc. 12. Quis putas est fidelis Dispensator & prudens, quem constituit Dominus super familiam suam, vt &c.* Et quærebat Petrus: *Domine ad nos dicit parabolam istã, an ad omnes? Ad vos, inquam, & de Vno. Ideo Si dixerit malus ille Seruus in corde suo. &c.* Pariter Ecclesiæ vnus sit Rector, Pastor, & Caput.

3. Monarchia optimè conseruat Vnitatem; Esse autem in Ecclesia debet, *Eph. 4. Vnus Deus, vna Fides, vnum Baptisma.* Verum ita, vt non sit dominatus gentilis, *Luc. 22. sed qui inter vos maior est, fiat sicut minor: & Præcessor, vt & cetera, Dux, Princeps, fiat sicut Ministrator.*

4. Exemplum dedi vobis: *Sicut Ego non veni ministrari, sed ministrare.* Et: *Ego in medio vestrum sum, sicut qui ministrat.* Et tamen, *Ioan. 13. Vocatis me Magister & Domine, & benedictus, sum etenim. &c.* Vide in *Luthero-calv. p. 2. q. 3.*

## QVÆSTIO II.

*An promissæ, Datæque sint Petro principaliter Clauis Primatus Monarchici sacri?*

## III. ANTICHRISTIANISMVS.

LUTHERANI: Non Petrus est Petra; sed Vel Fides, fideique Confessio; Vel Omnis Christi fidelis:

Aut CALVINISTÆ, Christus est Petra. Vide *Luthero-calv. p. 2. q. 4.*

CHRI-

CHRISTVS. I. Ego dixi, Mat. 16. *Tu es Petrus & super Hanc Petram*; non quâ persona particularis es, sed quâ Caput & Pastor: Et sic *Petrus es Petra*. Syriacè: *Tu es Cepha*, & *super hoc Cepha adific.* &c. Vocis itaque feci allusionem, vt vox *Hanc*, referri debeat ad *o xai n pi re*, atticum. Huc omnes per Euangelium sparsæ Petri Prærogatiue spectant, eiusque Primatum luculentè demonstrant. De quibus vide *Luthero-cal. par. 2. quest. 7.*

II. Ego verò tamen sum Petra, ac XII. fundamentorum fundamentum princeps & vnicum; hic tamen non ad Me istud, *Hanc*, referre potui; sed debui ad proximum sermonis mei Petrum, iuxta nominis allusionem. Et me *Petrus* seu *Petra confitens* appellabat sic: *Tu es Christus Filius Dei viui*. Et Ego ipsum dixi Petram, non Me: itaque vocem, *Hanc*, ad eum, non ad me referebam. Neque dixi, *Aedificauit iam fidem sc.* sed *Aedificabo Ecclesiam*, congregationem Fidelium.

## IV. ANTICHRISTIANISMVS.

LUTHERO-CALVINISTÆ. Nihil Mat. 16. promissum est Petro, nisi vt Patris auditor erat. Et promissum illi est, quod omnibus, sc. ligandi Soluendique potestas. Vide *Luthero-caluin. quest. 5.*

CHRISTVS. Dixi: *Dabo tibi Claves regni calorum.* &c. *Tibi Simoni bar. Iona. Tibi, ad quem aiebam: Ego dico tibi, Tu es Petrus.* &c. Et quia es; & quia *adificabo* ideo *dabo tibi.* &c. tibi Sic, vt nulli alteri. *Tibi, cui postea dixi: Vade post me.* &c. At is tu Petrus eras solus.

## V. ANTICHRISTIANISMVS.

LUTHERO-CALVINISTÆ. Promissi Exhibitiō nulla Petro magis, quam cuiquam facta est Apostolorum. Vide *Luthero-caluin. p. 2. q. 6.*

CHRISTVS. Ego verò huic personæ Petro, ceu Capiti ac Pastori Vniuersali, vt Promissi, sic & Dedi Claves verè, principaliter & immediatè. Idcirco sic personam eius designauit, vt nullus Notarius magis describere possit testatorem: A substantia personæ, *Tibi*. A nomine natali: *Beatus es Simon*. A genitore, *Bar-Iona*. A nomine nouo: *Ego dico Tibi, quia Tu es Petrus*.

2. Neque nomine Ecclesiæ Claves accepit; sed suo ipsius solius. Quia non erat Legatus aut Vicarius Ecclesiæ: A quo enim factus aut constitutus?

3. Dicenti, *Tu es Filius Dei viui*; illi tradidi Claves soli: Sicque, vt notat S. Hieronymus, *mercedem accepit Confessio*.

4. Cui post pauxillum dixi: *Vade, post me Satana.* &c. eidem & dixi: *Tibi dabo Claves*: Deditque dicens: *Pasce oves meas*.

5. Illi dedi eas, cui dixi: *Non potes me sequi modo; seque is autem postea*. De quo Sanctus Ambrosius lib. de Isaac, cap. 3. *Claves commiserat regni calorum; & sequelam imparem indicauit*.

6. Neque etiam par est ratio cum Petro & Abraham; quod, sicut, Rom. 4. *Abrahæ reputata est Fides ad iustitiam*; sic & omni Credenti: Pariter, vt Petro tradidi Claves, sic simul omnibus fidelibus.

Quia dispar materia est, etsi par forma argumenti.

E; Nam

Nam fides naturâ suâ ducit ad iustitiam & iustificat: non autem ad Clauum acceptionem: poteram namque eam Petri Confessionem sexcentis modis alijs remunerari.

## VI. ANTICHRISTIANISMVS.

LVTHERO-CALVINISTÆ. Vt sint Petro datæ CLAVES; non hæc tamen significant Principatum Ecclesiæ. Vide *Luthero-caluin. par. 2. quest. 5.*

CHRISTVS. 1. At verò metaphora Clauum in Scriptura significat Principatum. Vt *Isa. 22. Dabo Clauem domus David super humerum eius, & aperiet, & non erit, qui claudat. &c.* Quod est principari; non, prædicare. Atque etiam, *Isa. 9. Factus est PRINCIPATVS super humerum eius.* Teste *Apoc. 3. Hac dicit sanctus & verus, qui habet Clauem David, qui aperit, & nemo claudit; claudit, & nemo aperit.*

2. Quid? Sic Vfus obtinet. q. vrbis tradit clauem, Dominum tradit.

3. Dixi Petro: *Mat. 18. Quodcumque ligaueris, erit ligatum.* Ligare autè in Scripturis est Præcipere & Punire. Præcipere: vt *Mat. 23. Alligant onera grauiâ. &c.* Punire: vt *Mat. 18. Quacumque alligaueris super terram, itaque homines obligantur legibus directiuis & vindictiuis.*

## QVÆSTIO III.

*An soli Petro sit vniuersa Ecclesiæ Pastura commissa?*

## VII. ANTICHRISTIANISMVS.

LVTHERO-CALVIN. Non soli Petro, sed toti Ecclesiæ Clauem sunt Promissæ ac Datæ.

CHRISTVS. 1. Ego dixi: *Ioan. 21. Simon Ioannis, Pasce oues meas. 1. Hoc vo-*

cabulum solius est Petri; cui & respondet mysterium Petræ in promissione Clauum, vbi Petrum dixi Petram.

2. Cui dixi: *Disfigis me plus his Apostolis? Eidem commisi quoque plus his, sc. Pasce oues meas; idque item plus his, tu vnus ac solus.*

3. Quem ter idem interrogauit; quòd ter negaturus erat Petrus solus, eidem dixi, *Pasce.*

4. Qui ter interrogatus *contristatus est Petrus*; quique respondit, *Tu scis Domine quia amo te*; eidem personæ dixi, *Pasce.*

5. Cui dixi: *Cum senueris, extendes manum.* &c. Quæ sciscitabatur. *Hic autem quid? Cui respondi, Quid ad Te? Tu me sequere*; illi ipsi dixi soli, *Pasce.*

Vnde S. Amb. in vlt. Lu. *Quia solus profitetur ex omnibus; omnibus antefertur.* Ita & cæteri Patrum.

## VIII. ANTICHRISTIANISMVS.

LVTHERO-CALV. *Pasce*, id est, Doce Gregem; & non est idem quod Rege, castiga. &c.

CHRISTVS. *Luc. 12. Quis putas est fidelis Dispensator ac prudens, quem constituit Dominus super Familiam suam, vt det illis in tempore tritici mensuram?* Is quidem, qui cibum ministrat; at verò vel in primis ille, qui cibum prouidet atque procurat: quod Præpositi est. Quocirca & huius proprium est *Pascere*, i. Regere præceptis, ac pœnis. Actus enim Pastoralis sunt Ducere, Tueri, Præesse, Regere, Castigare. Id Pedum indicat pastorale. Vnde *Isa. 44. Pastor meus es Cyre*, id est, Rex: Idemque & in græco significat *ποιμνίστω*: pascere, regere. Sic Patres interpretantur.

## IX. ANTICHRISTIANISMVS.

LVTHE-

LYTHERO-CALVIN. Hoc, *Oues meas*, non significat Vniuersam Ecclesiam. &c. Vide meum *Luthero-calv. p. 2. q. 6.*

CHRISTVS. 1. Ego verò tertium dixi, Πέτρος, πῶς αὐτὸς τῶν Ἀγγέλων, πῶς ὁ Βασιλεὺς. *Pasce Agnos, Oviculas, Oves meas*: scilicet Incipientes, Proficientes, Perfectos: Laicos, Clerigos, Episcopos: Vel Iudæos, Gentes, eorumque Pastores. *Meas* inquam absolutè, id est, *Omnes*. Sicuti Ioan. 10. *Cognosco oves meas*, scilicet omnes; & *oves mea vocem meam*, omnem, scriptam ac traditam, *audiunt*. Et ego pono animam meam totam *pro ouibus meis* vniuersis. Neque aliud est, *Pasce oves meas*, quam *Curam habe totius Ovilis mei*. Ita necesse est. Quia Ioan. 10. *Erit Vnum Ouille, & Vnus Pastor*.

2. Denique Ego dixi:

1. *Beatus es Simon bar-Iona.*

2. *Reuelauit tibi Pater meus, qui in calis est.*

Lutherus lib. de potest. Papæ: Contradicit:

1. Petro non promittuntur Claves, vt est *bar-Iona*: sed vt est auditor Patris cœlestis.

2. De nullo autem homine certo nobis constat, sitne is verus Auditor Dei.

At de Petro constat.

## II. DE PONTIFICE ROMANO

### QVÆSTIO IV.

*An Petrus Iure Diuino habere Successores debuit?*

#### X. ANTICHRISTIANISMVS.

LYTHEROCALVINISTÆ caterique hæretici hodierni pertendunt: Esto; habuerit à

Christo Petrus Primatum & Monarchiam; Non tamen quæquam Petro succedere debet Iure Diuino.

CHRISTVS. Iure diuino debet aliquis succedere Petro in totius Ecclesiæ Monarchia.

1. Sic volui, Ioan. vlt. *Pasce oves meas*. At Oves cum Ouili esse semper volo perpetes: Quare & Pastoris Officium sit ordinarium oportet ac perpetuum: proindeque in eo continui quoque Successores sunt: & hisce idem *Pasce* dictum, quod Petro. Quam enim æternare volui Ecclesiam; ei non minus in progressu, quam in ortu volo prouisum. Neque Petrus semper victurus erat; ideo tam Successores eius in ipso, quam i psummet compellauit.

2. Ego promisi, Mat. 28. *Ego ero vobiscum vsque ad consummationem sæculi*: non cum vestris solum Personis, sed Officij vestri Successoribus omni loco, tempore, & causis in *ijs* ac rebus, *qua sunt Patris mei*. Bene S. Leo ferm. 2. de *Assumpt.* *Manet dispositio veritatis, & B. Petrus in accepta fortitudine Petra perseverat, & vivit in Successoribus suis.*

3. Ego dixi, Ioan. 10. *Erit Vnum Ouille, & Vnus Pastor*. Ego, Luc. 22. *rogauit pro te Petre, vt non deficiat Fides tua; Et, Ioan. 17. non pro te solum, sed pro omnibus, qui credituri sunt per Apostolos; vt sint Vnum, si. ut & nos Vnum sumus*: & ex hoc cognoscat mundus, &c. Quare ipsa Ecclesiæ Vnitas, omni tempore & loco Eadem reposcit, vt forma regiminis non immutetur. Sicut igitur in prima Ecclesiæ institutione Vnum posui Caput omnium; sic & esse volo iubeo in Conseruatione.

Quæ

Quæ omnia Iuris esse Divini rectè docet *S. Cypr. lib. de Unit. Ecclesie. Hier. lib. 1. contra Iovin. &c.*

4. Vnum Ecclesie semper esse Corpus voluit; quid ni & Caput Vnum? Caput autem cum ego sim inuisibile ac spiritale; visibile quoque sit aliud Ecclesie necesse est. Rectè id innuitur 1. *Cor. 12. Non potest Caput dicere pedibus; non estis mihi necessary. Quod certè Christo convenire nequit: Ego enim omnibus sum necessary, mihi nullus. Caput igitur nullum est aliud visibile Ecclesie, quam Petrus, eiusque omni tempore successor.*

5. Sicut Diuina Constitutione perpetua Deus omnium rerum est principium & causa; idem tamen per immediatas proximasque causas agit: Ita ut Corpus Ecclesie à Primario & Vitali Capite iugem gratie influxum recipiat, *Col. 2. Eph. 1. & 4.* omnino debuit constitui Caput Vnum secundarium ac ministeriale, Corpori homogenium, idque dum Corpus illud durabit.

6. In Veteri Test. continua serie Aaroni succedebatur; ut *Num. 28. Eleazari huic, Iud. 20. Phinees. &c.* At, Sacerdotium veteris Test. figuram Noui prætulit Sacerdotij summi: Parem igitur hodieque Successionem in hoc continuari necesse est. Vide in *Luthero-cal. p. 2. q. 9.*

#### QVÆSTIO V.

*An Papa questiones Fidei ac Morum infalibili iudicio definiat?*

#### XII. ANTICHRISTIANISMVS.

LUTHERO-CALVINISTÆ pernègant: quin de facto Papam hæresin docuisse narrant. Vide *Luthero-cal. p. 2. q. 13.*

CHRISTVS. I. Ego verò dixi, *Lu. 22. Simon, Simō, ecce Satanæ expetuit vos, ut cribraret sicut triticum: Ego autem rogaui p Te, ut NON deficiat ides Tua. Et tu aliquando conuersus confirma fratres tuos.* Et exauditus sum orans pro Reuerentia mea.

2. Deinde Orationi promissionem adieci præsentie meæ *Mat. 28. Ecce Ego vobiscum sum usque ad consummationem sæculi.* Addidi promissionem Sp. Sancti, ac præstiti infallibilem illius Assistentiam, & ille docebit vos omnia.

3. Promisi Ecclesie Capiti: *Mat. 16. Tu es Petrus, & super hanc Petram edificabo Ecclesiam meam: & Porta inferi non preualebunt aduersus eam. Quis ergo nocebit nobis, si boni æmulatores simus? Promissumque præstiti: Ioan. vlt. Pasce oues meas doctrinis infallibiliter sanis ex Officij dono. Sicut ego Sacramentis pascō ex opere operato infallibiliter efficacibus; ita tu Doctrinis in meæ Orationis, Promissionis, Donationis infallibiliter certis semper futuris. Ego enim dabo tibi os & sapientiam, cui non poterūt resistere. &c.*

4. Istorum prætulit typum Rationale summi Pontificis, cuius epigrapha, *Veritas & Doctrina: Exod. 28. Quippe, Deut. 17. omnes in re dubia iuebantur à Pontifice requirere, & obedire Voci Sacerdotis: Sin' morte morerentur. Ita, (ceu Petrus Rauennas Eutychem monebat) quæ à Beatissimo Papa scripta sunt, obedienter attendo. Quoniam B. Petrus, qui in propria Sede & viuit & præsidet, præstat*

stat quærentibus Fidei Veritatem.

5. Neque secus docuit hætenus experientia. Omnes enim cæteræ Sedes Patriarchales ab hæresibus, quin & hæresiarichis aliquando contigit adulterari: Romanam verò nunquam.

### QVÆSTIO VI.

*Fasne Papa condere leges in conscientia obligantes ad culpam ac peccatum?*

#### XIII. ANTICHRISTIANISMVS.

**L**VTHERO-CALVINISTÆ negant. Sed cum præfatis hæreticis. Vide *Luthero-caluin. par. 2. q. 19.*

**CHRISTVS. I.** Dixi, Matth. 16. *Quodcunque ligaueris, &c.* Atqui ligare non solum est retinere peccata indimissa; sed etiam ferre leges: prout declaro, Mat. 23. *Alligant onera grauiora & importabilia, sc. Præceptorum.* Ita S. Hieron. in c. 18. Mat.

2. Deinde: Promissum *Mat. 16. præfati Petro, Ioan. 21. Pæce oues meas.* *τρίμυα* regis & potestatis vocabulum est; cuius est ferre leges.

3. Adhæc, Ioan. 20. *Sicut misit me Pater, & ego mitto vos.* sc. cum omni potestate etiam ferendi leges: Proinde Lu. 10. *Qui vos audit, me audit, &c.* Ita S. Cyprian. li. 4. ep. 9. Basil. in Const. Mon. ca. 23.

4. Quo rectius, 1. Cor. 11. *Laudo vos, quod præcepta mea tenetis.* 1. Thef. 4. *Scitis, que præcepta dederim vobis. Qui hæc spernit, non hominem spernit, sed Deum, qui Spiritum suum nobis dedit.* Sic & 2. Thef.

3. *Qui non obedit verbo nostro, ne commiscamini illi.*

### QVÆSTIO VII.

*Habeatne Papa temporalem Iurisdictionem?*

#### XIV. ANTICHRISTIANISMVS.

**L**VTHERO-CALVINISTÆ Nullam in seculi Dominia, seu Principes, iure villo diuino tribuunt Papæ. Neque licuisse Papis & Episcopis, aiunt, dominia acceptare. Vide *Luthero-cal. p. 2. q. 21.*

**CHRISTVS.** Cum, Ioan. 18. *regnum meum non est de hoc mundo;* etsi Rex cælorum natus fuerim: Cum Rex eligi fugerim; *Ioan. 6.* Cum verè paupere fuerim volens: Cum Scripturas, quibus Rex appellor de spiritali regno accipi oporteat: Cum sine orbis imperio finem assequi spiritalè valuerim, orbemque redimere: idcirco regna non eripui mortalia, qui cælestia dabam, At, Ioan. 20. *Sicut misit me Pater: sic & ego mitto vos* in primis Petrum eiusque successores Papas; Vicarios meos qua Homo sum, non qua Deus. Quare nec ad Papas iure diuino directè habere temporalem volui potestatem.

II. Indirectè tamen, ad maius bonum spiritalè, Dominium orbis habet, Sic Petro dedi, *Ioan. vlt.* triplicem potestatem; Arcendi lupos infideles; Coercendi arietes tyrannorum fidelium, & Pascendi oues. Consule meum *Luthero-cal. p. 2. q. 21.*

### QVÆSTIO VIII.

*Quis, qualisque Antichristus erit?*

#### XV. ANTICHRISTIANISMVS.

**L**VTHERO-CALVINISTÆ, I. Antichristus idem est quod Vicarius Christi.

F H. Est



II. Est vnum quoddam regnum continuum, & Corpus tyrannorum.

III. Aduenit autem in orbem post annum Christi 600.

IV. Characterem habet Vnctionem, Adorationem Sanctorum, Eucharistia, Missam. &c.

V. Et is Papa est Romanus,

VI. Romæ folium habiturus:

VII. Seque pro Deo ostensurus Vicarius Dei.

CHRISTVS. I. Antichristus idem est quod Contrarius Christo inimicus: 2. Thes. 2. *Qui extollitur super omne, quod est Deus:* Et 1. Ioan. 2. *Qui negat IESVM esse Christum.* Ita, vt Mat. 24. *Dicat se esse Christum.*

II. Idemque vnus, verus, certus ac singularis erit Homo, ex homine natus: sicut & ego singularis sum, ac individuum. Ioan. 5. *Ego in nomine Patris mei veni, & non receperitis me: si ALIUS venerit in nomine suo, illum recipietis.* 1. Ioan. 2. *Antichristus venit,* (voce hac communiter pro quocunque Christi aduersario accepta: *Licet nondum venerit, de quo audistis, singulari. De quo 2. Thes. 2. Nisi reuelatus fuerit* ὁ ἀνθρώπος τοῦ νόμου, ὁ υἱὸς τοῦ ἀπολείας. Sic 1. Ioan. 2. ὁ ἀνθρώπος ἐρχεται. Ecce, ILLE antonomasticus. Ita Dan. 7. 11. 12. *Rex vnus* vocatur, non regnum vnus.

III. Nondum venit in orbem: tunc venit, Mat. 24. *cum videritis abominationem desolationis, quæ dicta est à Daniele, ca. 9. &c. 2. Thes. 2. Deus interficiet eum spiritu oris sui.* Apoc. 11. *Dabo autem duobus testibus meis, & prophetabunt diebus 1260.* Enoch gentibus, & Helias Iudæis. Atque tunc fuerit, Mat. 24. *Euangelium meum prædicatum vbiq̃ue:* Ac etiam *Iuge Sacrificium sublatum:* Et, Apoc. 12. *Tuba*

sexta sonabit: Et erit consummatio sæculi. Apoc. 12. *Beatus qui expectat ad illos dies.*

IV. Papa verò Antichristus nec fuit, nec esse potest, obstante tam diuturna, continua, tamque multorum successione, & *portæ inferi non praualebunt aduersus eam:* Quia Ego sum cum ea usque ad consummationem sæculi. Et sicut, Ioan. 5. *Ego veni in nomine Patris mei:* sic & omnis Papa venit: *Si ALIUS Ant. papa venerit in nomine suo, &c.*

V. Suo cum singulari caractere, Apoc. 13. *Numeri & Nominis, omnibusque communi suis.*

VI. Ierosolymis sedem statuet: Hic vbi, Apoc. 11. *Henoch & Helias post pugnas iacebunt in plateis ciuitatis magnæ, quæ dicitur Sodoma, Isa. 1. vbi est Dominus eorum crucifixus.* Roma autem, Apoc. 17. *desolabitur ab illo:* At ipse, 2. Thes. 2. *in Tēplo Dei sedebit:* ἐν τῷ ναῷ, scil. Salomonæo.

VII. SE dicet esse DEVM, 1. Ioan. 2. *Quis est mendax, nisi qui negat IESVM esse Christum? Et hic est Antichristus.* Ioan. 5. *In nomine suo veniet:* Et Dan. 11. *Deum Patrum suorum non reputabit, &c.* Vide Luthero-cal. p. 2. q. 22, 23, 24, 25.

### III. DE CONCILIIIS & ECCLESIA.

#### QVÆSTIO IX.

*Ecceius sit Generalia Conc. indicere, præsidendo regere & confirmare: & id qua forma?*

## XVI. ANTICHRISTIANISMVS.

**L**VTHERANI & CALVINIANI fingunt: solius Imperatoris esse, generalia indicere & regere Concilia. At in ijs Episcopi sunt Cōsiliarij. Vide *Luthero-caluinistam. par. 2. q. 26. & 29.*

**CHRISTVS. I.** Cū ego Potestatem meam, Autoritatemque sacram Petro solū, vti Vicario meo, tradiderim per excellentiam; debeantq; Concilia cogi *Autoritate mea*, hoc est *In Nomine meo*. planè est necesse, vt meus in Ecclesia Vicarius Successor Petri, data sibi Autoritate solus vti debeat.

2. Atq; tameti, Mat. 18. *Vbi sunt duo, vel tres congregati in Nomine meo, ibi ego in medio eorum sum*, inuisibilis quidem; non sic tamen, vt quisquam discernere queat Me præsidere: Multò minus, si qui S. Scripturam præesse solam, vt Iudicem, velint. Ad hanc enim omnes hætenus hæretici appellarunt.

3. Quocirca meam ablaturus Ecclesiæ visibilem præsentiam, Petro dixi, nō Tiberio: Ioan. vlt. *Pasce oves meas*, infallibiliter. Quia Lu. 22. *Ego rogavi pro te. &c. proinde, Et tu confirma fratres tuos*, in nomine meo ad Concilia congregatos: *Et ecce Ego vobiscum sum vsque ad consummationem sæculi.* Mat. 28.

4. Cuius autem indicere; eiusdem est, ceu Capitis, regere Concilia generalia, velut membra; sc. Vicarij mei Papa. Ideo iussi Petro: Ioan. vlt. *Pasce, docendo & educendo.* Idèq; & fecit Petrus, *Act. 15.* prædicens Concilio, qd indixerat: ad quod conuenerunt Apostoli, & Seniores ceu Iudices, non vt *Cōsiliarij*, videre de verbo h. c. legalium ceremoniarum, an ad salutem forent necessariae. Et Paulus *Act. 16. pertransiens ciuitates præcipiebat eis*

*custodire decreta, conscientias obligantia, ob Autoritatem præsidis Petri.*

**III.** Porro Episcopi suffragijs definiunt vt Iudices, in forma Iudicij; non disputant solum vt Cōsiliarij.

1. Idcirco docui, Mat. 18. *Si Ecclesiam non audierit, sit tibi velut ethnicus & publicanus*, Iuste: nam Deut. 17. *Qui non obdierit eorum sententia, morte condemnatur.* Hinc in Conc. Ierusalymitano *Act. 15. & 16. conuenerunt Apostoli & Seniores, Iudices, videre de verbo hoc*, non de fide sola iustificante; sed de ceremonijs abstinentiæ à sanguine, suffocato, & immolatijs: de quibus nihil in Verbo Scripto extabat: Nec tamen permixta erant ex animi discipulorum; sed imperata simpliciter cum obligatione conscientiarum: vti & Paulus prædicabat.

**IV.** Atque istud est Pascere; iuxta quod, Eph. 4. *Posui vobis Pastores & Doctores.* Prout promisi, Ierem. 3. *Dabo vobis Pastores secundum cor meum; & Pascant vos Scientia & Doctrina.* Quò necessaria monitio hæc, *Act. 10. Attendite vobis, & uniuerso Gregi, in quo posuit vos Sp. Sanctus Episcopos regere Ecclesiam Dei.*

## QVÆSTIO X.

*Concilia per Papam confirmata num errare possint?*

## XVII. ANTICHRISTIANISMVS.

**L**VTHERANI itemque CALVINIANI affirmant errare posse, errasseque de facto sæpius. Vide *Luthero-cal. p. 2. q. 30.*

**CHRISTVS. I.** Ego postquam dixissem, Mat. 18. *Dic Ecclesiæ; & si Ecclesiam nō audierit, sit tibi.* &c. vim autoritatēque Ecclesiæ tantam esse ostendi ad do-

cendum, vt subiecerim: *Vbi sunt duo vel tres duntaxat, quanto magis si plures, congregati in nomine meo, illic sum in medio eorum*, ipsa scilicet Veritas & via, vt errare non possint. Quin & tantam eorum esse potestatem, vt addiderim, *Amen dico vobis, quaecunque ligaueritis super terram, erunt ligata & in caelo*. Adeo certa est mea Concilij sacris Assistentia, si eadem non desit priuatis.

2. Deinde Errarent, quibus addixi. Ioan. 16. *Spiritus veritatis docebit vos omnem veritatem*. An Apostolos solos? Quin & successores, quia Ioan. 14. promisi mansurum Spiritus, S. vobiscum in aeternum.

3. Experti testantur: Act. 15. dicentes: *Visum est Spiritui S. & nobis*.

II. Docui, Ecclesiam errare non posse: Matt. 16. *Super hanc Petram aedificabo*. &c. Mat. vlt. *Ecce Ego vobiscum sum usque ad consummationem saeculi*. Consonatque Apostolus. 1. Tim. 3. *Ecclesia Dei viui est Columna & firmamentum veritatis*. Quare nec Concilia rite congregata possunt errare: cum in his resideat formaliter Autoritas Ecclesiae, in iisdem representata; habentibus consensum vniuersae.

III. Nec Vicarium meum errare posse affirmavi, dicens, Luc. 22. *Patrem ego rogavi pro te, vt non deficiat fides tua: Et tu conuersus confirma fratres tuos: praesertim in Concilium conuocatos*. Illius itaque est confirmare congregatos: quo sine possunt sequi vento circumferri.

## QVÆSTIO XI.

*Scriptura, Papa, an Concilij potior sit Autoritas?*

### XVIII. ANTICHRISTIANISMVS.

LUTHERANI & CALVINIANI ab Papistis S. Scripturam esse pessundatam & abiectam conclamant. Vide in meo *Luthero-caluin.* p. 2. q. 31.

CHRISTVS. *Qui Spiritum Christi acceperunt, (qui est Verbum Patris;) ij Vocem meam audiunt, habentque Spiritum Veritatis, & Verbum vitae*. ideoque Sacrae Scripturae semper à Me secundas tribunt, longè posteriora dant Concilij.

1. Quippe, 2. Tim. 3. *Omnis Scriptura diuinitus inspirata est*. Et, 2. Pet. 1. *Spir. S. inspirante locuti sunt Sancti Dei*. Et verè Testis meus, 1. Ioan. 1. *Quod vidimus oculis nostris, quod perspeximus, & manus nostrae contractauerunt de Verbo vitae; & Vita manifestata est; & vidimus, & testamur*. Ita Matthaeus & Ioannes: At Marcus & Lucas audita scripserunt: *Sicut tradiderant nobis, qui ab initio ipsi viderunt*. Ideo Scripturae omne Concilium sese submittit, quod *in Nomine meo congregatum est*.

2. Scriptura nullo constitit labore conscriptionis: Nullus ei error inesse potest seu verbuli, seu sententiae: Nec indiga humanae confirmationis est: At secus Concilia habent indictis singulis.

Ergo Scriptura omnibus potior est.

### XIX. ANTICHRISTIANISMVS.

LUTHERO-CALVINISTÆ Concilij Papam sub-

subijciunt. Lutherus lib. de Concilijs. Putasne adeo esse tenue officium Parochi aut Ludimagistri, ut non possint aliqua ex parte conferri ad Concilia? Quin errare possunt omnes in Concilio, & vnus sentire secundum Scripturam; tunc omnis omnibus, ille sequendus vnus est. Quanto inferior Papa est.

CHRISTVS. Dixi Petro; eiusque Successoribus, & factum est; *Matt. 16. Tu es Petrus; & super hanc Petram aedificabo Ecclesiam meam & porta inferi non preualebunt aduersus eam.* Dixi, Ioan. ult. *Pasce oves meas.* Ergo Caput & Pastor est vnus Corporis & Gregis totius mystici; quod fundamentum est domus: at ab hac illud non pendet, sed domus innititur illi tota. Nec vniam, sed omnem Ecclesiam Vniuersam aedificabo: id est omne Concilium representans Ecclesiam: Sicut ipsi Sectarij intelligunt istud *Mat. 18. Dic Ecclesia.*

2. Deinde Ecclesiam meam esse volui regnum Monarchicum: Quia *Pl. 2. Ego constitutus sum Rex super Sion.* Et, *Ioan. 8. Regnum meum non est de hoc mundo.* Et, *Luc. 1. Regni mei non erit finis.* Rex autem regnat; non regnatur. Praesentim meus in terris Vicerex, qui Regnum Ecclesiae suscepit immediate à Me Christo tuo, non à populo, ut in regnis mundi assolent. Quia verum est istud, *Apoc. 5. Fecisti nos Deo nostro regnum:* hoc verò me non fecit Regem. *Ioan. 15. Non vos me elegistis; sed ego elegi vos. &c.*

3. An potestate accipit Paterfamil. ab familia? Pastor ab ouib? Caput à corpore? Vir ab vxore? Ita & Christus ab Ecclesia? Minime verò. At Petrus eiusque Successor omnis est is, de quo dixi *Mat.*

24. *Quis est fidelis seruus & prudens, quem constituit DOMINVS SVPER, non infra, familiam suam?* Item *Ioan. 10. Ego sum Pastor bonus; & est vnum Ouile.* Item *Eph. 4. Ego sum Caput, Ecclesia Corpus:* *Eph. 5. Ego sum sponsus, Ecclesia sponsa.* Nolui igitur Vicarium meum subiacere Ecclesiae seu dispersae, seu Collectae. Vide *Bell. l. 2. c. 17. de Nominibus Christi, quae docent Papam absolute esse supra Concilium.*

## QVÆSTIO XII.

*An, & quales peccatores sint in Ecclesia?*

### XX. ANTICHRISTIANISMVS.

PELAGIANI, Anabaptistae, & Luthero-calvinistae, p. 2. q. 33. ferè consentiunt, ab omni immaculatos peccato, id est, solos iustos efficere Ecclesiam. Nam, Pelagiani aiebant, etiam peccata venialia constituunt hominem inimicum Deo.

CHRISTVS. Ego sic orare omnes docui, *Mat. 6. Dimitte nobis debita nostra.* Nam, *Iac. 3. In multis offendimus omnes.* Et *1. Ioan. 1. Si dixerimus, quia peccatum non habemus, nos ipsos seducimus, & veritas non est in nobis.*

Sic & *Vetus Instrumentum: 3. Reg. 8. Nec enim est homo, qui non peccet.* Idem *Eccel. 7. Psa. 31. Tu Remissisti impietatem peccati mei: pro hac remissione orabit ad te omnis Sanctus.* *Pro. 24. Septies enim in die cadit iustus.*

### XXI. ANTICHRISTIANISMVS.

Novatiani, Donatistae, Confessionistae: In Ecclesia sunt soli Fide perfecti, & ex ea nunquam lapsi. Vide *Luthero-caluin. par. 2. question. 34.*

CHRISTVS. Docui, Mat. 18. *Si peccauerit in te frater tuus, 1. Vade, corripe eum, &c.*

2. *Adhibe tecum unum, vel duos; si vos non aud.*

3. *Dic Ecclesie:*

4. *Si Eccl. non audierit, sit tibi sicut. &c.* Ecce manere improbos in Ecclesia, donec per huius sententiam excludantur. 2. *Mat. 23. de malis Præpositis dixi parandum dictis eorum, non exemplis. Mat. 24. de percussore conseruorum; Dominus diuidet eum, partemque eius cum hypocritis ponet. Vnde 1. Cor. 5. Auditur inter vos fornicatio, qualis nec inter gentes. &c. Tollatur de medio vestrum. Dictum factum. Apoc. 2. & 3. Ecclesie ferè singulæ culpantur à peccatis. Sicut in Lege semper erant grauissima peccata in populo. Sic est, eritque. Semper enim habitis pauperes vobiscum.*

### QVÆSTIO XIII.

*An soli Prædestinati sint in Ecclesia?*

#### XXII. ANTICHRISTIANISMVS.

CALVINVS tria. 1. Prædestinati sunt verè Fideles, quòd fides semel habita perdi non possit.

2. Ecclesia à solo Deo cognoscitur.

3. In Externa Ecclesia sunt boni & mali. *Vi. de Luthero-calv. p. 2. q. 35.*

CHRISTVS. I. Ego in isto, Matth.

3. *Permundabit Aream suam, & congregabit triticum. &c.* designaui Ecclesiam; in qua *paleæ* reprobos significant comburendos, non electos. Item Ecclesiam dixi, Mat. 13, similem *Sagena*, ex omni genere piscium congreganti bonos, & malos, Itē

*Mat. 22. Conuiuio nuptiali, in quo boni & mali: ideo Multi sunt vocati; pauci verò electi. Item, Mat. 25. Decem virginibus, quarum quinque prudentes, quinque fatuæ. Ibid. Ouis in quo oues, & hædi.*

2. Meus ille Apostolus, 1. Cor. 5. in incestuosum expulit Ecclesiam, non tamen reprobum fecit ex prædestinato, nec id voluit, Nam, 2. Tim. 2. *In magna domo vas sunt aurea. &c. & fictilia; quædam in gloriam, & quædam in contumeliam.*

Erunt autem qui dictis meis abutentur talibus: Ioan. 10. *Alias oues habeo, quæ non sunt ex hac ouili. Et Ioan. 11. Iesus moriturus erat pro Gente, ut filios Dei, qui erant dispersi, congregaret. Quasi ideo prædestinati essent de Ecclesia, licet degant extra eam. Sic etiam 1. Ioan. 2. Ex nobis exierunt; sed non erant ex nobis; nam si ex nobis fuissent, mansissent utique nobiscum; quasi, antequam exissent, non erant ex iustis, sed videbantur solum esse. &c.*

Sciendum igitur, quosdam dici in Scriptura oues, filios Dei, mēbra. &c. secundum prædestinationem potentiâ, in futurum: alios Actū in præsens, idque per inhærentem actualiter ijs iustitiam verè: Et hoc, veritate aut Formæ, id est, Charitatis; à qua excidens non tamen excidit à Fide, seu Ecclesia. Aut Veritate Finis, seu permanentiæ, cum qua assequitur hæreditatem. Ex his prædicta finitè accepta sanius intelligi distinguique debent.

### QVÆSTIO XIV.

*Ecclesia num sit Visibilis?*

X XIII.

## XXIII. ANTICHRISTIANISMVS.

**L**UTHERO-CALVIN. fingunt inuisibilem, soli Deo notam, ac solum esse piorum paucorum, inde ab exordio Ecclesie etiam Veteris Testamenti. Vide *Luthero-calv. p. 2. q. 36.*

## CHRISTVS. 1. Fundamentum

Ecclesie est visibile ac sensibile; *Mat. 16. Super hanc Petram edificabo Ecclesiam meam; quare & hæc visibilis sit necesse est.*

2. Ideo, *Mat. 18. Dic Ecclesie, Si Ecclesiam non audierit. Videtur, auditur, conuenitur sermone, regitur, salutarur, &c. suos ea suscipit, deducit, &c. Vnde Act. 28. Attendite vobis, & vniuerso Gregi, in quo nos Sp. Sanctus posuit Episcopos Regere Ecclesiam Dei. Act. 18. Ascendit Paulus, & salutauit Ecclesiam. Idem se persecutum dicit Ecclesiam, 1. Cor. 15. Gal. 1. Phil. 3. hoc est, Christianos, Act. 9. 1. Tim. 3. Scias quomodo te oporteat conuersari in domo Dei, que est Ecclesia Dei viui. Act. 15. Illi deducti ab Ecclesia pertransibant, &c. & suscepti sunt ab Ecclesia.*

3. Omnino visibilis est, de qua dixi, *Matt. 5. Non potest Ciuitas abscondi supra montem posita: Et quam comparauit Area, Reti, Ouili, Conuiuio &c.*

4. Talis & in Veteri Lege describitur: *Num. 20. Cur eduxistis Ecclesiam Domini in solitudinem? 3. Reg. 8. Conuertit Rex faciem suam, & benedixit omni Ecclesie Israel: Omnis enim Ecclesia stabat. Pl. 18. In sole posuit Tabernaculum suum: id est, Ecclesiam in manifesto, ait Aug. tract. 2. in ep. Ioan.*

5. Olim visibile signum Circumcisionis incidi Ecclesie: Nunc Spiritu S. visibilem superfudi, vt Apostolos, Discipulosque: His additi sunt visibiles

semel 3000. rursus 5000. per fidei confessionem & Baptismum. *Act. 1. 2. 3. 4. Sicque deinceps vsque huc.*

## QVÆSTIO XV.

*An Visibilis Ecclesia possit Desicere, aut Errare?*

## XXIV. ANTICHRISTIANISMVS

**A**FFIRMANT Luthero-caluinistæ, multisque adstruunt in meo *Luthero-caluin. par. 2. q. 37.*

**CHRISTVS. 1.** Ego verò asserui, *Mat. 16. Super hanc Petram edificabo Ecclesiam meam, & Porta inferi non praualebunt aduersus eam. Quia, 1. Tim. 3. Est Ecclesia Dei Viui Columna & firmamentum veritatis.*

2. Ego promisi, *Mat. vlt. Ecce, Ego vobiscum sum vsque ad consummationem seculi: At illi erant visibiles, quibus hoc promissum, similiterque eorum successores. Vnde Eph. 4. Ipse, ait, dedit quosdam Apost. alios Prophetas, alios Euang. &c. ad consummationem Sanctorum, in opus ministerij, in adificationem Corporis Christi, donec occurramus omnes, &c. At ista visibilis est successio perennans.*

3. Ita & *Psalmes 47. Deus fundauit eam in aeternum, id est, Ecclesiam ait August. Huc ego, Luc. 4. in Synagoga citauit illud Isa. 61. Spiritus Domini super me, &c. Et factus perpetuum feriam eis: & Sciatur in gentibus semen eorum, & germen eorum in medio populorum. Omnes, qui viderint eos, cognoscent illos: quia isti sunt semen, cui benedixit Dominus.*

4. *Parabolis: Vt erat Area, Ager, Conuiuium, Ouile: tria docui Ecclesiam esse Vi-*

se Visibilem; Constare bonis & malis:  
& perennare ad vique iudicium extre-  
mum. Mat. 3. *Triticum congregabit in hor-  
reum suum, paleas autem comburet igni in-  
extinguibili.* Mat. 13. *Sinite utraque crescere  
vsque ad messem. Messis autem consummatio  
seculi est. &c.*

## XXV. ANTICHRISTIANISMVS.

CALVINISTÆ aiunt Ecclesiam Visibi-  
lem posse errare.

CHRISTVS. I. Ego verò anathe-  
ma dixi nolentibus Cedere Ecclesiæ in  
omnibus. Mat. 18. *Quod si Ecclesiam non  
audierit, sit tibi sicut ethnicus & publicanus.*  
Vnde praxis Conciliorum manat ius-  
ta, anathematizans omnes parere  
nolentes decretis suis. Neque ego do-  
cui omnia, nam adhuc multa habeo dicere  
*vobis, sed non potestis portare modo: Nec,  
quæ docui, scripta sunt omnia; verum  
vt tradita multa benè sunt, sic & erunt,  
esseque debent.* Vide supra part. 1.

2. Adhæc, A me, ceu Capite & spon-  
so, ab Sp. Sancto ceu Anima, guberna-  
tur Ecclesia: Eph. 1. *Ipsium Me dedit Ca-  
put super omnem Ecclesiam, quæ est Corpus  
ipsius.* Eph. 4. *Vnum Corpus, & vnus Spiri-  
tus.* Quocirca meus is, & Sp. Sancti fo-  
ret error, si erraret Ecclesia. At nunc,  
Ioan. 16. *Spiritus Veritatis docebit vos om-  
nem veritatem:* omnem, nãuo nullo re-  
lictò, non solùm necessariam & scri-  
ptam.

## IV. DE CLERICIS.

## QVÆSTIO XVI.

*Sintne Clerici, Laicique distin-  
guendi?*

## XXVI. ANTICHRISTIANISMVS.

LUTHERVS. Clericos à Laicis diseruit impia hominum  
Traditio. Idem: Christianus populus est simplex, in  
quo nulla secta. &c.

CALVINVS. *Tota Ecclesia est Clerus. Vtinam  
Patribus nunquam venisset in mentem vti hac voce  
Clerus. Vide Luthero-cal. p. 2. q. 4. 1.*

CHRISTVS. I. Quid attinet con-  
tendere de nomine, cum de re constet?  
De illo tamen ita Spiritus Dei apud  
Ierem. 12. *Cleri eorum non proderunt eis.*  
Et, 1. Pet. 5. *Pascite, qui in vobis est, Gregem  
Dei. & c. neque vt dominantes in Cleris; sed  
forma facti Gregis ex animo.*

2. Nam, vt benè Hieron. epist. ad  
Nepot. *Propterea vocantur Clerici, vel quia  
de sorte sunt Domini; vel quia ipse Dominus  
Sors, id est, pars Clericorum est.* Ideo quif-  
que nitatur esse, quod dicitur.

3. Hinc Colos. 1. *Dignos nos fecit, in par-  
tem sortis Sanctorum.* Eph. 1. *In quo nos Sor-  
te vocati sumus;* nullo merito nostro præ-  
cedente; vt Pelagiani finxer.

4. Ego Cleri ab Laicis distinctio-  
nem innouaui: Nam Ioan. 17. *Ego elegi  
vos, sc. è populo; & posui vos, vt eatis &  
fructum afferatis, & c.* Sicut Num. 18. *Deut.*  
18. *Leuitæ dicuntur esse de sorte Domi-  
ni; & Dominus sors eorum ac hæredi-  
tas; vt quibus dedit sortem extra alios  
de plebe; & insuper donauit decimas  
ac oblationes.*

5. Instè terra dehiscerebat Chore, Da-  
than & Abyron, Num. 16, quod contra  
Sacerdotes, id est, Clerum cie-  
rent seditionem.

QVÆ.

## QVÆSTIO XVII.

*Quis eligendi Pastores, seu Ministros esse  
Populi, an Episcoporum?*

## XXVII. ANTICHRISTIANISMVS.

**L**UTHERO-CALVINISTÆ: Eligere & vocare populi solius est: Ordinare autem Pastorum, sed nomine populi. Vide meum *Luthero-cal. p. 2. q. 42.*

**CHRISTVS** Ioan. 15. *Non vos me elegistis, sed ego elegeri vos:* Sicut Moysen Deus, & Moyses Aaronem. Vnde Ps. 98. *Moyses & Aaron in Sacerdotibus eius.*

2. Et ego Summus Sacerdos quam incruenti sacrificij *Hosiam Feci* ter sanctissimam, *Facere* item iussi Apostolos, dicens: *Hoc facite.* Dictumque factum fuit; eoque ipso, Vocatos & Electos, in Sacerdotes inauguravi, & Potestatem faciendi contuli, cuius faciendi mandatum dedi.

3. Ego dixi, & feci: Ioan. 20. *Sicut misit me Pater,* ad Sacra omnia operandum; ita & Ego *MITTO* vos. Simul *Insufflaui & dixi eis: Accipite Spiritum Sanctum, quorum remisistis peccata, remittuntur eis; & quorum retinueritis, retenta sunt.* Et quis est hic, qui peccata dimittit, nisi Christus per Sacerdotem secundum Ordinem Melchisedech?

4. Simili cum propagatione spiritali; (non carnali;) etiam Apostoli mei S. Clerum meum exauerunt. Vnde Paulus Sacris ab sese ritè initiatum monet & officij ordinarij exercendi, & Sacerdotij propagandi, dicens 1. Tim. 4. *Noli negligere Gratiam, qua est in*

*te, qua data est tibi per IMPOSITIONEM MANVVM Presbyterij, id est, per Episcoporum cætum, non per Sacerdotes simplices: Ita S. Chryl. cæterique Patres. 2. Tim. 1. Resuscites gratiam, qua data est tibi per Impositionem manuum mearum: Non populi, aut Sacerdotum simplicium.*

Verum, 1. Tim. 4. *Manus cito nemini imposueris; vt Episcopus episcopando.*

*Ordines Sacri tres Maiores an sint iuris diuini?* Luthero-caluinistæ non controuertunt quidem; Minores tamen certos aspernantur; malunt arbitrarios.

De Episcopis vide 1. Tim. 3. Tit. 1. De presbyteris, 1. Tim. 4. Tit. 1. De Diaconis, 1. Tim. 3. Act. 6. de 7. Diaconis. Act. 7. de S. Stephano.

Minores quatuor docentur ex S. Traditione apud Bellar. lib. 1. de Cler. cap. 11, 12.

## QVÆSTIO XVIII.

*An Episcopi sint maiores Presbyteris?*

## XXVIII. ANTICHRISTIANISMVS.

**L**UTHERO-CALVIN. cum Aerio archihæretico pernegant. Vide in meo *Luthero-cal. par. 2. q. 46.*

**CHRISTVS.** 1. Ego, Luc. 6. *elegeri duodecim ex illis Discipulis, LXX. Luc. 22. iudicantes XII. Tribus Israel. Nam constitui eos Principes super omnem terram: Et cuiq; dixi, vt verè S. Patres aduerterüt, Mat. 24. Fidelis seruus & prudens, quæ constituit Dominus super Familiam suam, non subter.*

G Qua-



Qualibus & Paulus dixit, Act. 20. *Attēdi et vobis, & vniuerso gregi, in quo Vos Sp. S. posuit Episcopos, regere Ecclesiam Dei.*

Sicut igitur Apostolos Discipulis esse statui superiores; sic & Presbyteris Episcopos: hi enim Apostolis, illi Discipulis iure pari succedunt.

2. Non extat alius ortus istius subordinationis in vlllo iure humano; vnde ex diuino promanet oportet. Ideo ipsi Apostoli sic Vsu obseruarunt, vt Episcopis Presbyteri subessent. Hinc 1. Tim. 5. monetur Episcopus: *Aduersus Presbyterum accusationem noli accipere, nisi sub duobus aut tribus testibus.* Vide porto in meo Luthero-cal. p. 2. q.

### QVÆSTIO XIX.

*An iure Apostolico COELIBATVS sit Ordini-  
bus sacris annexus?*

#### XXIX. ANTICHRISTIANISMVS.

**N**VLLO iure, aiunt Iouinianus, Vigilantius, Wicleff, Græci, Luthero-caluinianique vniuersi. Vide in Luthero-caluin. par. 2. quest. 48. & 49.

**CHRISTVS.** Equidem de hoc in Euangelijs dictaui nihil quicquam:

1. Exemplo tamen meo sat docui Cultor Cœlibatus.

2. Nec improbaui, sequaces mei Apostolos, Discipulosque vxores continuo reliquisse; nec liberis carnalibus, sed spiritualibus operam nauasse impensius.

3. Quò Sanctius illud Tit. 1. *Oportet esse Episcopum hospitalem, cōmodum, id est, vertit Hiero. Castum, seu sobrium, iustum, Sanctum, Continentem,* scil. à ducta prius.

Item, 2. Tim. 2. *Nemo militans Deo; vt Sacris initiati: se implicat negotijs secularibus; qualis res est vxoria.* Vnde S. Basilius ait: *Nuptiæ sunt pedicæ.* Ideo 1. Cor. 7. monentur coniugati *ad tempus abstinere, propter orationem:* Vnde infert S. Hier. in Tit. 1. ergo præcipitur *Ordinatis semper abstinere.* Sic & *Orig. hom. 23. in Num.* Vt quibus semper sit orandum.

4. Neque Vetus Test. absimile. Nam Exo. 12. Agnum paschalem esuri iubentur lumbos subcingere. Exo. 19. Legem accepturis dicitur: *Ne appropinquetis vxoribus vestris.* Exo. 28. Sancta ingressuri iubentur fœmoralia induere. 1. Reg. 21. Achimelec noluit dare Panes propof. nisi impollutis. 1. Paral. 24. Sacerdotes in templo degebant, dum Vices suas ministrabant. Quibus è locis S. Patres Cœlibatum rectè obseruari, præcipique deducunt, eò decentiorem Christianis, quò Sacra sunt diuini ora.

### QVÆSTIO XX.

*Fasne Clero, accipere decimas, & possessiones?*

#### XXX. ANTICHRISTIANISMVS.

**E**RASMO decimarum exactio est tyrannica, *Vniuerso est mera elemofyna, neganda discolis: Fratricelli eas sibi debent, vt sponte, pauperibus, aiebant. Anabaptista, veri Christi ministris, non falsi, debent volunt.* Vide Genealog. p. 21. q. 12.

**CHRISTVS.** Seu Decimariam, seu qualemcunque debent pensionem Magistratui docebam isto, Mat. 22. *Reddite, quæ sunt Cæsaris, Cæsari; &, quæ Dei, Deo.* vbi rectè S. Hier. & Aug. *Cæsari tributa; Decimas Deo* in suis ministris templi. Iuxta 1. Cor. 9. *Nescitis, quoniam qui in*  
SACRA-

Sacrario operantur, qua de sacrario sunt, e-  
dunt: & qui altari deseruiunt, de altario viuunt:  
Ita Dominus ordinauit ijs, qui Euangelium  
annunciant, de Euangelio viuere. Quia,  
Mat. 10. Dignus est operarius mercede sua.  
&c. I. Cor. 9. Quis militat stipendijs suis vn-  
quam? Et si nos uobis spiritalia seminauimus,  
magnum est, si nos carnalia uestra metamus?  
Atque tunc infidelis erat & Cæsar, &  
Sacerdotes plerique.

II, Quò improbius negantur posses-  
siones iure teneri à S. Clero: cum sit,  
Nu. 35. Præcipe filijs ISAE ut dent Leuitis  
de possessionibus. Datumque est, Iosue 21.  
Leu. 25. Et Leu. vlt. Qui agrum Domino  
uouit, eum sacerdotes possidere iubentur.  
Et talium Deus possessor est in fa-  
mulo suo.

### QVÆSTIO XXI.

*AN RES, Causæ, & persona Clericales sint di-  
uino iure Exemptæ ab seculari  
Potestate?*

#### XXXI. ANTICHRISTIANISMVS.

**L**UTHERANI Clericorum & personas, & Res. &  
Causas quascunque politice subiiciunt.

CALVINIANI Res, causasque merè ecclesia-  
sticas excipiunt. Vide in meo *Luthero-cal.* p. 2. q.  
51. & in *Genealog.* p. 2. q. 13.

**CHRISTVS**. I. Ego meam Ec-  
clesiam esse uolui, non Democraticam,  
ut populus eligeret Ministros sacros, ac  
regeret; nec Aristocraticam, ut soli iun-  
ctim Apostoli seu Episcopi præessent:  
sed Monarchicam, ut his quæ Pastori-  
bus, quæ Gregibus, vno in Ouili Pastor  
vnus, Vicarius meus Petrus, Petrique  
successor ex ordine superintenderet.  
Vide *suprà* q. 1.

Qui igitur huic ordinationi resiste-

ret, aut S. Clerum potestati sæculari  
subijceret, Dei ordinationi resisteret idem,  
ac cælum terræ misceret: imò subiecta  
ret. Ecquæ isthæc rerum diuinarum e-  
uersio? Diuinarum, humanarumque  
confusio? & certa euersio. Benè, verè  
Alexander Papa in Conc. Lateran. *Non  
debet Ecclesiam Dei minus liberam esse tem-  
pore Principum Christianorum, quam fuerit  
tempore Pharaonis.*

2. Quid? Deterioris foreat conditio-  
nis Sacra Christiana Virique Sacri in  
Nouo Testamento, quam in Veteri  
fuerunt? At in hoc cum fortunis suis ex-  
empti erant Sacerdotes, *Gen. 47.* sub  
Pharaone: *Leuitæ, Exo. 30. Num. 1. & 3.*  
donati omnes Aaroni, iussu Dei, ut fors  
Dei propria. Item, *1. Esd. 7.* Sacerdotes  
sub Artaxerxe.

3. *Mat. 17. Liberi sunt filij Regum à tri-  
butis: At Ego sum Rex Regum, & Cle-  
rici sunt liberi mei. Quin Regum quo-  
que ministri habentur immunes: quo  
magis serui mei in libertatem vocati.*  
Quò sanctius ab exemplis S. Scripturæ  
statuerunt Sancti mei, diuino iure, etsi  
minus expressè scripto, tamen ab ex-  
emplis ducto, Ministros meos esse de-  
bere, sicut, Magister eorum est, exem-  
ptos. Satis est, *si sit Discipulus, sicut Magi-  
ster est.*

### DE MONACHIS.

#### QVÆSTIO XXII.

*Quanta sit Antiquitas Religio-  
sa vita?*

G 2

XXXII.

## XXXII. ANTICHRISTIANISMVS.

**L**VTHERANI & CALVINIANI negant ante 400. annum à Christo nato ullam vsquam Monasticen extitisse. Vide in meo *Luthero-cal.* p. 2. q. 53.

**CHRISTVS. I.** Ego ipse meâ vitâ & Doctrinâ status Religiosi perfecti, quantus in Euangelio apparet, Autor extiti, promulgator, & protector, *Est autem Religio status hominum ad perfectionem tendentium per indissolubilem Votorum trium essentialium professionem.*

1. Consilium Obedientiæ dedi Luc.

9. *Qui vult venire post me, abneget seipsum, & tollat crucem suam, & sequatur post me. Matth. 19. Consulebam iuueni. Si vis perfectus esse, vade, vende omnia quæ habes, & da pauperibus, & veni sequere me.*

2. Paupertatem, Luc. 14. *Qui non renunciat omnibus quæ possidet, non potest meus esse Discipulus.*

Item Matth. 19. vers. 29. Lu. 18. vers. 29. &c.

3. Castitatem docui, Matth. 19. *Sunt Eunuchi, qui seipsum castrauerunt propter regnum cælorum. Qui potest capere, capiat.*

**II.** Et verò Apostoli mei Consilia amplexi ritè tenuere: Matth. 19. *Ecce nos reliquimus omnia, Bona fortunæ, vt Pauperes: vxores, vt casti: & secuti sumus te, vt obedientes. Atque ideo Amen dico vobis, qui reliquerit domum, & patrem & matrem & uxorem, & agros propter regnum Dei, centuplum accipiet, & vitam æternam possidebit.*

**III.** Accedit, quòd præcessit adumbratio Religionis; cuius quædam

est in Euangelio perfectio. 1. Gen. 4. *Enos, iste cepit inuocare Nomen Domini*, cultu rituque scilicet peculiari; nam antè Adamus, Abel, Seth inuocauerant Dominum modo vulgari.

2. Nazaræi, *Numero. 6.* Votis conceptis sese cultui diuino consecrabant.

3. Helias & Helisæus absque vxoribus, opumque studio vitam transegerunt. Vnde filios prophetarum, Monachos appellat S. Hieronymus *ep. ad Rusticum.*

4. Nepotes Rechab, *Ierem. 35.* abstinebant vino, agros non colebant, duram vitam exigebant.

5. Ioannem Baptistam verè Monachorum principem appellant S. Patres, Chry. Hier.

## QVÆSTIO XXIII.

*An sint CONSILIA Evangelica?*

## XXXIII. ANTICHRISTIANISMVS.

**L**VTHERO-CALVINISTÆ negant vtrumque. Vide in meo *Luthero-cal.* p. 2. q. 54-55. Et in *Genealog.* p. 2. q. 15.

**CHRISTVS. I.** Dicentibus Apostolis. *Mat. 19. Non expedit nubere*; respondi: *Non omnes capiunt verbum hoc; sed quibus datum est, &c.* Nam sunt eunuchi, qui seipsum castrauerunt propter regnum cælorum. *Qui potest capere, capiat*; hoc Consilij est, non præcepti: Neque illud, *Propter regnum cælorum*, significat, propter Euangelium prædicandum; (vt vult Martyr, contra S. Patres.)

2. De voluntaria Paupertate dixi adole-

olescentulo: Mat. 19. *Si vis perfectus esse, vade, vende omnia qua habes, & da pauperibus; & veni, sequere me* obedienter. Et hoc Consilium esse patet ex hoc: *Si vis perfectus esse*: Nam de necessitate præceptæ salutis dixeram: *Si vis ad vitam ingredi, serua mandata*. Quod autem Consilijs istis suum sit præmium, meritumq; certum, subiuncto docui: *Et habebis thesaurum in celo*. Sic omnis Patrum consensus est.

Sicque Petrus intellexit, ideo auditio Consilio hoc meo, aiebat: *Ecce nos reliquimus omnia, & secuti sumus te; quid ergo erit nobis meriti ac præmij?* Matth. 16. respondit: *Qui vult venire post me, Abneget semetipsum; quò magis tua: Et tollat crucem suam, quæ existit ex concupiscentiæ stimulo perpetiando; & sequatur me, obediendo. Qui autem perdidit animam suam propter me; inueniet eam in vitam æternam.*

#### QVÆSTIO XXIV.

*An Consilia Euangelica sint obseruatu  
possibilia?*

#### XXXIV. ANTICHRISTIANISMVS.

PRÆCEPTA Dei obseruatu possibilia nemini sunt; quanto minus, si quæ forent, altioris Consilia perfectionis.

CHRISTVS. 1. Verè Pater meus dixit per Moysen, Deu. 30. *Mandatum hoc, quod ego precipio tibi hodie, non supra te est; sed iuxta te est sermo valde in ore tuo, in corde tuo, ut facias illud.* Eccl. 33. *Homo sensatus credit Legi Dei, & lex ei fidelis.* Et ego, Matth. 11. *Tollite iugum meum s. vos: Is-*

*gum enim meum suauè est & onus meum leue.*

2. Atque idcirco, Mat. 19. *Si vis ad vitam ingredi, serua mandata; dixi adolefcēti: Qui mihi verè reddebat. Omnia hac custodini à iuuentute mea. Quid adhuc mihi deest?* Consilium, inquam, Euāgelicæ perfectionis. *Nam si vis perfectus esse, Paupertatem voluntariam sectare, vende omnia, & da pauperibus; & veni, cum flore castitatis, & sequere me* Virginem Virgo, & obedientem obediens.

3. Erit, quando, Act. 2. & 4. nemo, quæ possidebat, aliquid suum esse dicit; sed erunt illis omnia communia: & venditorum pretium ponent ad pedes Apostolorum: ac diuident illa omnibus, prout cuiq; opus erit. Factumque est ita.

4. Erit, quando vni Philippo parenti, Act. 21. erunt quatuor filiae Virgines prophetantes: Si tunc tot, quot erunt cæteris? Sap. 3. *Felix sterilis, & incoquinata.* &c. Quare, Isa. 56. *Non dicat eunuchus: Ego lignum aridum.* &c. *Dabo eis nomen melius à filijs & filiabus.*

5. Quoad obedientiam; *Ego veni, non ut faciam voluntatem meam; sed Patris mei, qui in cælis est: Et hic est cibus meus.* Huc & Discipulos vocauit, Matth. 4. *Venite post me; & faciam vos fieri piscatores hominum.* Et illi continuo relictis relictis relictis retibus & navi, secuti sunt moobedientes.

#### QVÆSTIO XXV.

*An Vota sint Vtilia, gratusq; DEO cultus? An cum Veteri Test. sublatus?*

G 3

XXXV.

## XXXV. ANTICHRISTIANISMVS.

**V**OTA nulli sunt bono; adeoque non vltus Dei cultus; vt sit *ἑθελότης κεία*, seu voluntaria supersticio. Suntque cum vetere lege stirpitus sublata.

**CHRISTVS. I.** Promisi ac præstiti, & præstabo: Mat. 19. *Vos, qui secuti estis me, centuplum accipietis, & vitam æternam possidebitis: Et sedebitis, iudicantes XII, Tribus Israel.* Sap. 3. *Quæ nesciuit thorum in delicto, dabitur ei fidei donū clectum.* I. Cor. 7. *Dico innuptis & viduis: Bonum est, si sic permanserint, Et Vidua beator erit, si sic permanserit.* Quam gloriosæ hæc sunt utilitatis?

**II.** Vouere autem, Deum est insigniter colere. Isa. 19. *Colent Deum in hostijs & muneribus: Vota vouebunt, & soluent.* Nec aliud insignius sciebat, quod Deo præstaret, quam, Gen. 28. quod *Votum vouit Iacob.* Itemque Dauid, 2. Reg. 7. Idque voluntarium, minimeque præceptum. Vide *Luthero-cal. p. 2. q. 56.*

**III.** Neque ego *veni soluere legem, sed adimplere;* Mat. 5. Hocque amplius legem de Votis reddendis; quò lex gratiæ esse perfectior debet Lege vetere seruitutis. Cùm autem in hac Lex de Votis Moralis fuerit, non solui eam, sed adimpleri perficique oportuit per veros Adoratores in Spiritu & veritate: Veluti prædictum Isa. 19. *Vota vouebunt Domino, & soluent.* Sin: 1. Tim. 5. *erunt habentes damnationem; quia primam Fidem irritam fecerunt.*

Tametsi igitur omnia Veteris Testamenti Ceremonialia, & Iudicialia voluerim antiquata; Moralia tamen confirmari tantò solidius, quale *Vouere Deo* est. Quocirca, Deut. 23. *Si nolueris polli-*

*ceris, absque peccato eris: Si voueris, non tardabis reddere.*

## QVÆSTIO XXVI.

*An Deo rectè voueatur Paupertas, & Obedientia?*

## XXXVI. ANTICHRISTIANISMVS.

**L**VTHERO-CALVINISTÆ damnant vtramque *ἑθελότης κεία*, seu superstitionis, Vide *Luthero-cal. p. 2. q. 59.*

**CHRISTVS. I.** Ego sic volui, & docui, Mat. 5. *Beati pauperes spiritu:* non paupertate Afflictionis; non Humiliationis; sed voluntate non diuites, Et nõ diuites, seu pauperes Actu, sed non affectu; neque pauperes actu simul & affectu. sed pauperes Affectu, etsi non actu. Hi enim sunt hilariter & sponte effecti, humiles; &, licet omnia habentes, nihil tamen possidentes. Hunc in sensum istius beatitudinis concedit omnis S. Patrum consensus.

2. *Quoniam talium est regnum cælorum;* principaliter sic mea eis gratia donante; dein etiam ipsorum Voto sic commerente. Proinde dixi, Luc. 6. *Va diuitibus:* Et Mar. 10. *Quam difficile, qui pecunias habent, intrabunt in regnum cælorum. Facilius est Camelum intrare per foramen acus, quam diuitem in regnum cælorum.* Quare id omne Deo rectè vouetur, quod Deo teste bonum esse, gratumque illi scimus: tale est Paupertatis voluntariæ votum: ergo rectè vouetur.

3. Mat. 19. *Si vis perfectus esse, vade, vende. &c.* Quia rectum est vouere, ac perfectum, ideo ad id hortatus sum: præmiumq; proposui, vt traherè plectos.

4. Huc

4. Huc concurrebant, A. & 4. *Credendum cor unum & anima una; nec quisquam eorum, quae possidebat, aliquid suum dicebat.*

5. Huius violatio voti, A. & 5. *Sacrilegij crimine obstrinxit Ananiam & Saphiram, reosque mortis constituit.*

## XXXVIL. ANTICHRISTIANISMVS.

LUTHERO-CALVINISTÆ: Obedire, cui non debetur, quasi ob Dei cultum; est stultum; & impietas. Vide *Luthero-cal. p. 2. q. 54. & 59.*

CHRISTVS. Ego verò fui obediens usque ad mortem. Phil. 2. Et dixi, docuique: Mat. 16. *Qui vult venire post me, abneget semetipsum, & tollat crucem suam, & sequatur me.* Hoc animi præparatione omnibus Fidelibus est factu Necessarium ad salutem; ad perfectionem verò altiore & coronam gloriosiore, est Consultum: sed qui potest capere, capiat. Si vis perfectus esse, vende. &c. & sequere. Me sic obligatus arctè, vt retrocedere tibi integrum non sit, vi voti facti.

## QVÆSTIO XXVII.

*An Constitas ritè voueri possit? Et à quibus?*

## XXXVIII. ANTICHRISTIANISMVS.

LUTHERO-CALVINISTÆ negant. Vide in *Gen. p. 2. q. 15.*

CHRISTVS. 1. Meam Virginem Matrem Deo perpetuam vouisse castitatem, isto Gabriele docebat: Luc. 1. *Quomodo fiet istud, quoniam virum non cognosco?* quasi dicat, Impedimentum posui, quo min⁹ cōcipere me fas: istud a. est votum, ob quod non licet cognoscere virum. Ita S. Patres rectè intellexerunt.

2. Ego ad eum, Mat. 19. *Sunt Eunuchi, qui se castraverunt propter regnum Dei. Qui*

*potest capere, capiat; sic tu adeo. Castratio hic non est euitatæ naturæ, non ferri emasculantis; sed Continentia voto necessitante professa. Ita S. Patres semper sanè id intellexerunt.*

3. Huc meus respexit Apostolus, 1. Tim. 5. *Adolescentiores viduas deuota; cum enim luxuria fuerint in Christo, nubere volunt, habentes damnationem; quia primam FIDEM irritam fecerunt, votifragæ nimirum.*

## XXXIX. ANTICHRISTIANISMVS.

LUTHERVS, viris, anno ætatis 70. aut 80. Calvinus; Fæminis olim licuit ætatis anno 60. Vide meam *Luthero-cal. p. 2. q. 66.*

CHRISTVS. Ego verò ad ætatem acquiesco, cui liberi sit vsus arbitrij.

1. Vnde Mat. 19. *Sinite paruulos ad me venire.*

2. Quia Thre. 3. *Bonum est viro cum portauerit iugum ab adolescentia.*

3. Exempla ecce: Baptista puer secessit in eremum. Mater mea, Lu. 1. adolescentula vouit Non cognoscere virum. Sic Antonius, Paulus, Hilarion, &c. Thecla, Agnes, Cecilia, &c.

## XL. ANTICHRISTIANISMVS

LUTHERVS, cum suis: Parentibus inuitis nulli unquam fas inire religionem.

CHRISTVS. At Mat. 10. inquam: *Qui amat patrem, aut matrem plus, quam me, non est me dignus.* Et Luc. 9. *Vocarum nec vel salutare, vel sepelire parentes permisi.* Id adeo in Veteris Test. imperfectione Pater voluit obseruatum. Gen. 12. *Egredere de domo tua, & de cognatione tua.* Deut. 33. *Qui dixerit patri suo, & matri sue, Nescio vos; & fratribus suis, Ignoro vos; hi custodierunt eloquium tuum, & patrum tuum.* Pl. 44. *Obluiscere populum tuum, & do-*

*& domum patris tui, & concupiscet Rex de-  
corem tuum.*

**XL I. ANTICHRISTIANISMVS.**

LUTHERANI in meo *Luthero-cal.* p. 2. q. 66. Pro-  
fessio castitatis in religione non soluit matrimo-  
nium seu ratum solum, seu etiam consummatum.

**CHRISTVS. 1.** Consummatum  
non solui posse docui, Mat. 19. *Quos De-  
us coniunxit, homo nō separet. Qui dimiserit  
uxorem suam, facit eam machari.* Vnde 1.  
Cor. 7. *Is, qui matrimonio iuncti sunt, præ-  
cipio non ego, sed Dominus: Mulierem à viro  
non discedere: post Consummationem.*  
Sic Patres.

2. Ratum duntaxat potest solui per  
monasticen professam, exempla sancto-  
rum approbat Deus.

**QVÆSTIO XXVIII.**

*An Vita EREMITICA sit pro-  
banda?*

**XLII. ANTICHRISTIANISMVS.**

LUTHERANI & CALVINIANI culpant in  
Lea solitudinem, & Austeritatem. Vide me-  
um *Luthero-cal.* p. 2. q. 67.

**CHRISTVS.** Eremiticem esse san-  
ctam, in meo docui Præcurfore & Ba-  
ptista Ioanne, inque Helia. Ille per eam  
tantus euasit, vt Mat. 11. *Inter natos mu-  
lierum non surrexerit maior Ioanne.* Et ipse,  
Luc. 1. *præcessit ante me in Spiritu & virtu-  
te Helia.* Qui, 4. Reg. 1. vir qualis ac quan-  
tus?

2. De me quoque sic prodidit Lu-  
5. *Ipsē secedebat in desertum, & orabat.* Ceu  
Moysen, Exo. 24. in montem ascendere  
solum iussit Deus, ei locuturus:

**QVÆSTIO XXIX.**

*An Monachis LABORARE necesse: & ne-  
fas MENDICARE?*

**XLIII. ANTICHRISTIANISMVS.**

CALVINVS: suis solis victitent laboribus  
monachi, ex præcepto.

**CHRISTVS. 1.** Cùm Religiosi me  
vocaute, Mei, Apostolorumque esse de-  
beant imitatores; Quidam in sola vita  
Cōtēplatiua; Alij in Actiua sola; in Mix-  
ta alij: Vacare Deo quoq; *Supplices* soli i-  
psos quandoq; oportet: aut proximorū  
saluti, seu cōprecando, seu prædican-  
do. In vtroque sunt operarij & serui bo-  
ni. At, Mat. 10. *Dignus est Operarius mer-  
cede sua: præsertim spiritu laborans.*

2. Corporis autem labor, vt meus &  
Apostolorum, esse pro Vocationum va-  
rietate potest in vinea mea, ac messis.

1. Ob quam & Ipse me cum Apосто-  
lis mulierum pietate sustētari permisi.

2. Quò constantius Apostoli, omni-  
sa piscatione sua ordinaria, ordinariam  
tenuere vocationem suam me sequen-  
do. *Quin* tamen & subinde repeterent  
piscationem; cum libebat, licebat; non  
sic verò, vt Piscatoriam profiterentur.  
Itaque Laborandi præceptum commu-  
ne omnibus volui; plus tamen, minusve  
alijs; alijsque aliter.

**XLIV. ANTICHRISTIANISMVS.**

LUTHERANI teste *Luthero-cal.* p. 2. q. 69. cum dam-  
natis olim hæreticis, Vide in *Genea* p. 2. q. 16. damna-  
tionem spontaneam colentibus mendicitatem de-  
nuntiant.

**CHRISTVS. 1.** Ego, cùm essem di-  
ues, pauper factus sū; ideo, Luc. 9. *Filius  
hominis non habet, vbi caput suum reclinat.*  
Et testis idem Lucas, 6. *Mulieres aliquæ  
ministrabant ei de facultatibus suis:*

2. Om-

2. Omnis vita mea spontaneâ testatur paupertatem, opis, stipsq; indigam alienæ. Sine domo natus vixi: prædicâdo conuersatus apud diuersos prandebam; alieno in iumento vilique vectus nec victum in vrbe reperiebam: in domo cœnâ supremâ aliena habui; alieno illatus demum sepulcro quieui. Quia Pl. 39. *Ego Mendicus sum & pauper.* Et populus meus, Plâ. 108. *persecutus est hominem in opem & mendicū.* At verò, 2. Cor. 8. *Propter vos egenus factus sum, ut essem diues.*

3. Sanè, cum ad tam gloriosam me demiserim Mendicitatem; imitatores meos degeneres mei haud esse conuenit; Nec eis illam à quoquam duci ignominiosam; tantum non damnosam.

4. Sicut enim morte mea Crucis ignominiam verti in gloriam; ita paupere Vitâ meâ Mendicitatis opprobrium transtuli in fructuosum exemplum & ad Priuilegium euexi gloriosum.

5. Hinc Apostolus gloriabunda cōfidentia exclamat: Mat. 19. *Ecce, Nos reliquimus omnia.* Hinc alacres acceptabât mandatum meum, Mat. 19. *Nolite possidere aurum, neque argentum in zonis, nec duas tunicas.* Hinc in gratis dantes prædicationem Euangelij, quam gratis acceperant, suam auditores Euangelij profusè promebant liberalitatem, ut in mendicos præclare de ipsis meritos: Mat. 10. 1. Cor. 9.

### QVÆSTIO XXX.

*An hæretici incorrigibiles sint ple-  
tendi?*

ANTICHRISTI ECCLESIOMACHIÆ LVTHE-  
RO-CALVINISTICÆ

F I N I S.

H SACRA.

### XLV. ANTICHRISTIANISMVS.

**L**VTHERVS cum Donatistis & Hulsio, negat. Vide in *Luthero. e. p. 2. q. 73. & Genea. p. 2. q. 16.*

**CHRISTVS.** Ego talibus hæreticos comparauit quæ sunt ferro flammisque persequenda. Mat. 7. *Attendite à falsis prophetis. &c. intrinsecus sunt LV PL rapaces.* Sic & Apostolus Act. 20. *Post discessum meum intrabunt lupi rapaces.* Ioan. 10. *Qui non intrat per ostium in ouile ouium, sed ascendit aliunde; ille fur est, & latro:* At hi tales morte mulcandi sunt: & verè S. Patres per tales intellexerūt hæreticos.

2. Et Ipse ego, Ioan. 2. *nunquid flagello facto expuli profanatores templi?*

3. Non Petrus, Act. 5. mentitos Spiritui S. Ananiam ac Saphiram spiritu oris sui occidit? Non Paulus Elymam, Act. 13. seductorem proconsulis cæcitate percussit?

4. Quò iustius. Deut. 13. & 18. falsi prophetæ iubentur occidi. Deu. 17. *Qui superbierit, nolens obedire Sacerdotis imperio: ex sententia Iudicis moriatur.* Sicque vsitarunt Helias, Iosias, Iehu. &c. 3. Reg. 18. 4. Reg. 10. & 23. Iustum Nabuchodonosoris edictum est, Dan. 3. ut, qui blasphemaret Deum Danielis, interficeretur & domus eius deuastaretur.

Quocirca cum Ecclesia inobedientes debeat reijcere, ut ethnicos, & gladio sæculari relictos; certum est, quod Magistratus sæcularis, Rom. 13. *non sine causa gladium portat: minister enim Dei est, vindex iram.*



